



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Mart. SS. Plvtarchi, Sereni, Heraclidis, Herois, item alterius Sereni, Potaminæ, &c. Ex hist. Eccles. Eusebij Cæsar. lib. 6. c. 4. Paßi sunt circa annu[m] Domini 205. sub Seuero Imperat.

urn:nbn:de:hbz:466:1-42716

Insp. extruit
de mum ho-
spitale.

nis contiguâ extruxit, eamq; viro sancto tradi-
dit, & donis & muneribus & possessionib. am-
plissimis ornauit: quæ omnia Sampson in paupe-
rû & calamitosorû miseria subleuanda egregiè
expèdit. Vixit aut in eo pietatis studio, à primis
annis ad decrepitâ vsq; ætatè, tantaq; beneuolè-
tia & cura omniû necessitatè subleuauit, mor-
bos curauit, contagiones ad totius corporis pe-
stè manantes tractauit, vt cuncti eius charitatè
obstupescerent, & ardens benignitatis studium
sine fine mirarètur. Postquâ verò ætatè hoc mo-
do & in Dei seruitio, & proximorû cura assidua
præclare expendisset, cû admiranda pietatis si-
gnificatione, & clarissima opinione sanctitatis,
vltimum vitæ actû absoluit, lætulq; è corporis
vinculis in cælos immigrauit. Quàm multis aut
clar^o fuerit miraculis, nò in vita solû, sed multò
etiâ magis post mortem, nullis verbis explicari
potest. Et primùm quidè hoc constat, illius vir-
tute horrificum illud incendiû, quo Sophiæ tē-
plû Constantinopoli vnum omniû celeberrimû
conflagrabat, restinctum fuisse; cum scilicet vir
sanctus à viris quibusdam, per tecta discurrere
visus sit, flammalq; manu submouere; itâ vt cun-
ctis stupentibus, domus sacra prorsus illæsa ma-
neret. Fuit autem non solum in vita pauperibus
& calamitosis beneficus, sed multò etiam magis
post mortem; quando multos varijs ægritudini-
bus detentos, & spe vitæ destitutos sanauit, &
plurimis secundum quietem apparens, in rebus
deploratis opem tulit.

Claret mul-
tis miraça-
lis.

C Bar. Ann.
tom. 2.

MART. SS. PLYTARCHI, SERENI, HERA-
clidis, Herois, item alterius Sereni, Potamiæna, &c. Ex
hist. Eccles. Eusebij Cæsar. lib. 6. c. 4. Passi sunt circa annû
Domini 205. sub Severo Imperat.

Cum

Cum plurimi Originis discipuli eius seculitate, fidem & certā in verbo Dei persuasionem interiore mentis suæ recessu ingenuè syncereque hausissent, in illo persecutionis tempore præclarè se admodū & constanter gesserunt; vnde nonnulli eorum capti, beato martyrio finem viuendi gloriosè fecerunt. Ex quorum numero primus erat Plutarchus: quo ad mortem abducto, parum aberat, quin Originis, dum illi in extremo iam vitæ suæ exitu adesset, à Plutarchi ciuibus (quippè causam mortis Plutarchi in eum transferiebant) iam denudè interfectus fuisset. Cæterum perspicax Dei prouidentia, illum etiam eo tempore è periculo eripuit. Post Plutarchum secundus ex Originis discipulis, martyr fuit Seren^o; cuius in Christum fides, quam animò imbiberat, ignis incendio satis exploratè probata fuit. Heraclides tertius martyr, & quartus Herois, eadē schola profecti; quorum vterque prior, dum adhuc catechumenus erat, posterior antè nuper iam baptizatus securi percussus fuit. Præterea ex eodem ludo alius à primo Serenus quintus Athleta, pro pietatis defensione quam susceperat, pleno ore laudatur; cui post ingentē tormentorū perpeffionē fama est, caput ceruicib⁹ abscissu esse.

Ex mulierum numero, quæ erāt eius disciplina institutæ, Rhais adhuc catechumena baptismum per ignem consecuta, excelsit è vita. Septimus inter istos numeratur Basilides, qui Potamicenā multorum commendatione insignem ad supplicium deduxit, de qua frequens & celebris sermo apud ciues suos iam habetur, ut potè quæ cum infinitas propè pugnas pro corporis pudicitia & virginitate, qua præ cæteris excelle-

Xxx 4 bat,

28. Iunij.

Discipuli
Originis.

Plutarchus.

Serenus.

Heraclides,
Herois.

Serenus
alter.

Rhais fœ-
mina.
Basilides.
Potamicena

1056 MAR. SS. PLVTARCHI SERENI &c.
bat, contra insanos amatorum suorum impetus
(in ea enim præter animi virtutes, eximia præ-
tereà & integra corporis pulchritudo, cum ve-
nustate elucebat) constanter sustinuit; tum mul-
tiplices & graues ærumnas pro fide in Christum
exhauriens, ad extremum post tormēta acerb2,
dictuq; horrēda, vnà cum matre Marcella, ignis
incendijs absumpta, mortē oppetiit. Ferunt qui-
dem Aquilā (hoc enim Iudicis nomen fuit) post-
quam graues vniuerso illius corporis plagas in-
fixisset, tandem ad corporis ignominiam & cō-
tumeliam, libidinosis gladiatoribus illam
se traditurum interminatam; illam autem pau-
lis per intra se meditatam, cū rogaretur quid
sentiret, eiusmodi responsum dedisse, vnde visa
est illis, aliquid impietatis (sic enim putabatur)
manifestò elocuta. Atq; euestigio, post definiti-
uam de ea latam sententiā, Basilides vnus ex sa-
tellitibus, eam acceptam ad locum supplicij de-
duxit. Simulatq; aut multitudo ei molestiam fa-
cessere, & verborum petulantia insectari cona-
batur, hic eos, qui cōtumeliam ei faciebant, re-
pulsos coercuit, & maximam clementiam, sum-
mamq; humanitatem, in eam declarauit. Illa ve-
rò hominem, pro illius erga se commiseratione
vehementer amplexata, bono animo esse hortat-
ur, nam ait se, simul ac abiret è vita, à Domino
suo veniam & gratiam pro eo efflagitaturam, &
non diu post eius in se merita iusta remunera-
tione compensaturam. Hac cū dixisset, pice
ferrenti per varia & diuersa corporis membra,
ab imis pedibus ad capitis verticem, sensim ac
pedetenti diffusam, generoso & excelsa animo
migravit è vita. Tale certamen, ab hac percele-
bri & gloriosa virgine, confectum fuit.

Non

Marcella.

Clementia
Basilidis in
Potamicenā.

Sancti in ce-
lis orāt pro
nobis.

Arox cri-
ciatus.

Non longo temporis interuallo interposito, Basilides, cum satellites socij sui, certa de causa iusiurandum ab ipso exigent, asseueranter affirmat, omnino sibi non licere iurare; Christianum enim se esse, & hoc se pro palam fateri. At illi primo eum etiamnum iocari putabant. Verum ubi illud constanter asserit, abducitur ad Iudicem, & coram illo intentionem confessus, in vincula conijcitur. Cum fratres in Domino ad eum aduentarent, causamque; repentinæ & admirabilis huius mutationis sciscitaretur, fertur respondisse: Potamicenâ, triduo post martyriû, noctu ei assistentē, coronâ ipsius capiti imposuisse, dixissetque; se pro eo gratiam à domino postulasse, postulatâ obtinuisse: & Dominû nō longo tempore post eum, ad suam gloriam recepturû. Post illa, ubi fratres sigillum in Domino ei impertuerant, postero die securi percussus, præclara martyrij corona donatus est. Alij item complures Alexandria, iisdem temporibus, utpotè quibus Potamicena secundum quietem apparuisset, eosque fuisset impensè ad Dei verbum amplectendum cohortata, frequentes ad fidē Christi accessisse commemorantur.

Basilidis
martyrium.

Apparet Po-
tamicena
Basilidi.

ACTA SS. APOSTOLORUM PETRI ET Pauli, per Egesippum scripta lib. 3. de excidio Hierosolymitano cap. 2. Omitimus hic integram verum ab ijs gestarum seriem referre, partim ne prolixiores simus, partim quia diligens lector, eandem multo uberius clariusque; in doctissimi Baronij Annalibus habere potest; tum ad varias multorum opiniones parum sincera fide, tum ad hereticorum argumenta refellenda. Subierunt martyrium Lucio Fonteio Capitone, & Caio Iulio Ruffo Cons. ann. 0 à Christo Domino sexagesimo nono, Neronis verò 13.

C. Baronij
Ann. tom. 7.

Erant Neronis temporibus Romæ, Petrus & Paulus doctores Christianorum, subli-

29 Iunij,

XXV

mes